

Nou boulè arré mey, Yantet. Lou hoéc qu'ère desbarrassat, que se-b gahe la mielhe place, la dou corn, e arrident, que-b demoure lous autes, ayoucat daban l'eslame. Quauques pauses ballèu, lou mèste que tourne dab lou seguissi : « Moussu, lou boste chibau nou bòu pas las ustres ! » - « Nou bòu pas ustres, lou mé chibau ? ... E dounc, balhat-las me à you ! »

### **Noubèles de la quinzenade en Biarn** « *Bouts de la terre* » 15 Nov 1913

*Pau* : U noumat Lanardoune, à qui toutu nou mancabe arré per lou, que s'ey yetat dou pount en sus tau Gabe. Qu'ou n'an plâ titat, més mourt qu'éy.

Bère hére de sent Marti, mes plouye coum de coustume. Lou muletadye s'ey pas benut autan coum l'an darrè.

*Laroegn*. U cicliste qu'a hèyt cade Mme Lalhacar : e que l'a abismade. Que s'escapabe, lou pendard, més que l'an atrapat.

*Orthez* : E-b soubien de la peleye qui-s passa sus la locomotibe de l'esprès, per las parts de Puyo ? Lou meçanicien e lou cauhayre que hén au patac e que calou estanga lou tri. Hirigoyen qui abè abladat de trucs à Lacoste, qu'ey estat coundamnat à 4 més de presou dab sursis e dus esmendes de cent liures.

*Lacq*. U tri de merchandise que-n tume û de balast. Bagous en broye e retard taus biadyadous. Pague, coumpanie !

*Drin pertout* : Bent e plouye au tour. L'abor que s'abourrech. L'arreprouè que dits : « L'autoune, si nou séque las hounts que s'en porte lous pounts. »